

SCRIPT OF EVENING GOJRI NEWS BULLETIN 24 FEB 2025

1700HRS

اوننگ گوجری نیوز بولیٹن 24 فروری 2025

یوہ آکاشوانی جموں بے عبدالرحمان تے نصرت تیں خبر سُنو۔

HEADLINES

- ۱۔ وزیر اعظم نریندر مودی نے کہیو بے کہ اس وقت پوری دنیا بھارت در امید غی نظراں نال دیکھ رہی ہے۔
- ۲۔ وزیر اعظم نریندر مودی نے ملک غے اندر موٹاپہ گا خاتمہ وستے مہیم شروع کی تے وزیر اعلیٰ عمر عبداللہ نانہہ اس مہم وستے نامزد کیو جس ور وزیر اعلیٰ نے خوشی غو اظہار کیو ہے۔
- ۳۔ مرکزی وزیر داخلہ امت شاہ نے اج نوی دہلی مانہہ وطن کو جانو پروگرام غے تحت ثقافتی دورہ ور گیا طالب علماں نال ملاقات کی۔
- ۴۔ جموں زون گا آئی جی پی نے اکھنور سیکٹر مانہہ حفاظتی صورتحال گو جانیزو لیو۔
- ۵۔ محکمہ جنگلات نے مارچ ۲ ہزار ۵۲ تک ۱ اشاریہ ۵ کروڑ نوا پودا لان غو ہدف طے کیو ہے۔

PM GIS

وزیر اعظم نریندر مودی نے کہیو بے کہ بھارت غی تاریخ مانہہ پہلی بار پوری دنیا بھارت آلے پاسے امید غی نظر نال دیکھ رہی ہے اج بھو پال مانہہ عالمی سرمایہ داراں غا اجلاس غی شروعات کرتا مانہہ جناب مودی نے اس طرح کہیو۔ جناب مودی نے کہیو کہ عام آدمی تیں لے غے دنیا مانہہ معشیت غا ماہرین تے دیگر کئی بڑا اداراں نانہہ بھارت تیں کافی امید ہیں تے بھارت اس وقت دنیا غی سب تیں تیز ترقی کرن آلی معشیت ہے جناب مودی نے کہیو کہ دنیا غو بھارت ور اس طرح غو اعتباد ریاستاں غا حوسلاں نانہہ وی بلند کرے تے اس غے نال ہی دوہرا انجن آلی سرکار مانہہ ترقی غی رفتار وی دوگنی ہوگئی ہے۔

CM OBESITY

حالیہ دنان مانہہ وزیر اعظم نریندر مودی غا ریڈیو پروگرام من غی بات غے دوران وزیر اعظم نے اپنا خطاب مانہہ جموں کشمیر غا وزیر اعلیٰ عمر عبداللہ تے دیگر شخصیات نانہہ ملک غے اندر موٹاپہ نانہہ کہٹ کرن تے تیل مانہہ تلی وی چیزاں نانہہ کہٹ استعمال کرن بارے بیداری پیدا کرن غو ذکر کیو تھو جس گا نتیجہ مانہہ اج وزیر اعلیٰ عمر عبداللہ نے موٹا پہ نال نمڑن وستے ہر طرح کی حامی بھری ہے تے دل غی بیماریاں تیں علاوہ زیابطن شوگر تے دماغی صحت غا معاملات ور وی تبادلہ خیال کیو ہے وزیر اعلیٰ نے کہیو بے کہ وزیر اعظم غی طرفوں ملک غے اندر موٹاپہ نانہہ ختم کرن وستے شروع کی گئی مہیم مانہہ وے شریک بوغے خوشی محسوس کر رہیا ہیں۔ اپنا ایکس بینڈل ور ایک پیغام مانہہ جناب عمر عبداللہ نے اس مہیم مانہہ شامل ہون ور خوشی غو اظہار کیو ہے واضع رہ کہ اس مہم مانہہ وزیر اعظم نے ۱۰ افراد نانہہ نامزد کیو تھو جن مانہہ وزیر اعلیٰ عمر عبداللہ وی شامل ہیں اس مہیم غے تحت نامزد ہویا ہر فرد نے اپنا نال ۱۰ آدمی جوڑنا ہیں وزیر اعلیٰ نے

پیرا آرچر شینل دیوی کرکٹ کھلاڑی اکرا رسول وشو مانہ بہارت غا چیف کوچ کلڈیپ ہاندو جموں کشمیر تیں بین العقوامی جیمناستک پلک کور بجرال اداکارہ دیپیکا پاڈوکون تے کرکٹ کھلاڑی ارفان پٹھان شامل ہیں اس مہیم وستے نامزد کیا گیا یہ ۰۱ افراد اپنا نال ۰۱.۰۱ مزید افراد نانہہ جوڑیں غا تے اسے طرح یاہ مہیم ملکی سطح تک چلے غی تے ملک غو ہر فرد اس تحریک مانہہ شامل ہوجے گو۔

HM WATAN KO JANO

اج نوی دہلی مانہہ اشونی بی ایس ایف آفیسر میس مانہہ وطن کو جانو پروگرام غے تحت مرکزی وزیر داخلہ امت شاہ نے جموں کشمیر غا نوجوانان نال ملاقات کی اس اقدام غے تحت جموں کشمیر غا اسکولان تیں ای ڈبلیو ایس زمرہ گا ۲ سو ۰۵ طالب علما نانہہ وزیر سکینہ اتو نے ۶۱ فروری نانہہ ۳۱ دن غا ثقافتی دورہ ور ہری جھنڈی دس غے روانہ کیو تھو اس ۳۱ روزہ ثقافتی دورہ غے دوران طالب علم دہلی جے پور تے اجمیر شہراں غو سیر کریں گا سماجی فلاح وبہبود محکمہ تے مرکزی داخلہ امور وزارت غا سانجہ تال میل نال منعقد اس دورہ غے دوران طالب علم ملک غا عظیم ثقافتی ورثہ نانہہ جانیں گا تے قومی یکجہی غا جذبہ نانہہ مزید مضبوطی ملے غی۔

SPEAKER ALL PARTY MEET

جموں کشمیر قانون ساز اسمبلی غا سپیکر عبدالرحیم راتھر نے ۳ مارچ تیں شروع ہون آلا بجٹ اجلاس تیں پہلاں ۷۲ فروری نانہہ تمام پارٹیاں غی میٹنگ طلب کی بے تاکہ بجٹ اجلاس غی کاروائی احسان طریقہ نال چلائی جاسکیں اس میٹنگ مانہہ این سی بی جے پی پی ڈی پی تے پیپل کانفرنس غا لیڈر شرکت کریں غا ۳۴ دن غو یوہ بجٹ اجلاس کافی تاریخی وے گو جس دوران حزب اختلاف جماعتاں غا لیڈر دفعہ ۳ سو ۰۷ تیں علاوہ شراب غی خریدو فروخت ور پابندی تے کئی دیگر معاملات زیر بحث آئے غا۔

ANNOUNCEMENT

علاقائی خبراں آلو شعبو آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غو پینل بنان خاطر درخواست منگی گئی ہیں۔مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیزا ضلع کٹھوعہ گا بسنیک وین تے اُن غی عمر غی حد 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکتھی کرن آلا آلات نے میڈیا کوریج مانہہ تجربو وی ضروری

ہے۔عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں 10 کلو میٹر غادانرہ غے اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بڑات خود آئیندہ 7 مارچ توڑی دے سکیں۔ اس بارے مزید جانکاری ویب

ور www.newsonair.gov.in سانیٹ

دستیاب ہے۔

IGP SECURITY REVIEW

جموں زون غا پولیس انسپکٹر جنرل بھیم سین ٹوٹی نے اکھنور علاقہ مانہہ حفاظتی صورتحال غو جانیزو لیو تے افسران نانہہ ہدایت جاری کی ہیں کہ وے سرحدان ور دراندازی غا معاملات ور مکمل قابو پاویں۔ اس دوران جموں سائبہ کٹھوعہ رینج گا ڈی آئی جی شیو کمار شرما تے ایس پی جموں رورل برجیش شرما وی آئی جی پی، موصوف غے ہمراہ جائیزہ مانہہ شامل رہیا اس دوران آئی جی پی موصوف نے حفاظتی انتظامات غو جانیزو لیو تے بہترین لائے عمل تے منصوبہ بند طریقہ نال سرحدی دراندازی نال نبڑن وستے فوج غی دسویں ڈویژن غا ضی اوسی نال تبادلہ خیال کیو اس دوران موجود تمام افسران نے بین العقوامی سرحد تے ایل او سی ور حفاظتی انتظامات غو جانیزو لین تیں بعد علاقہ غے اندر جرائم غی صورتحال غو جانیزو لیو۔ آئی جی پی موصوف نے متعلقہ پولیس افسران گرائیں حفاظتی گروپاں تے سرحدی پولیس چوکیاں ور تعینات عملہ نانہہ ہر وقت چوکس رہن غی ہدایت جاری کی۔ اور سرحدی حفاظت نانہہ مزید بہتر بنان خاطر فوج تے سرحدی حفاظتی دستاں نال آپسی تال میل بنا غے موثر اقدام کرن ور زور پایو۔

FOREST SAPLINGS

جموں کشمیر جنگلات محکمہ نے ماحولیاتی تبدیلی ور قابو پان خاطر تے علاقہ غے اندر جنگلات غا تحفظ خاطر اس سال مارچ مہینہ غا آخر تک ۱ اشاریہ ۵ کروڑ نوا پودا لان غو ہدف طے کیو ہے اس ضمن مانہہ محکمہ نے جنگلات تیں باہر لوکاں نانہہ کئی پودا تقسیم کیا ہیں جنگلات مانہہ اگ لگن غا واقعات ور تشویش غو اظہار کرتا مانہہ جنگلات غا پرنسپل چیف کنزرویٹر ایس کے گپتا نے ان معاملات نانہہ خشک موسم نال جوڑیو تے متعلقہ محکمہ گا افراد نانہہ اس طرح غا معاملات ور فوری قانون پان غی ہدایت کی تاکہ کسے بڑا نقصان تیں بچو جاسکے۔ موصوف نے مقامی لوکاں نانہہ اس شجر کاری مہیم مانہہ بڑھ چڑھ غے حصو لین غی اپیل کی۔

ACCIDENT

ضلع رام بن مانہہ اج پیش آیا ایک سڑک حادثہ مانہہ ۱ کالسری غی موت جدکہ ۲۱ دوجا افراد زخمی ہوگیا ہیں۔ یاہ گڈی چھپا گراں تیں رام بن آلے پاسے آرہی تھی تے گلی اپر نیرا غا مقام ور حادثہ غ و شکار ہوگئی اس سڑک حادثہ مانہہ ہلاک ہونی کالسری غی شناخت سنکیشا دیوی غا طور کی گئی ہے جس غی عمر ۳۳ سال تھی اس تیں علاہ زخمی ہویا ۲۱ دوجا افراد مانہہ ۴ خواتین وی شامل ہیں جن نانہہ علاج معالجہ غی خاطر سب ضلع ہسپتال منتقل کیو گيو ہے اس حادثہ مانہہ زخمی ہویا ۲۱ افراد وچوں ۲ افراد غی حالت تشویش ناک دسی جارہی ہے۔

DIVYA KALA MELA

دیویا کلا میلہ جیہرو گلشن گراؤنڈ جموں مانہہ دس تہاڑاں تک جاری رہیو اج رات اختتام پزیر وے گو۔ ۴۱ فروری تیں شروع ہون آلو اس میلہ مانہہ ملک غی ۰۲ تیں زیادہ ریاستاں تیں آیا ۰۰۱ تیں متہ معزور فنکاراں نے شرکت کی۔ جنہاں نے دستکاری کپڑا زیورات تے ماحول دوست مصنوعات پیش کی۔ میلہ مانہہ آن آلاں نے ثقافتی پروگراماں تے علاقائی کھان غی اشیاء غو لطف چایو۔ یوہ میلو معزور افراد نانہہ

خود انحصاری تے شمولیت واسطے پلیٹ فارم فراہم کرتا واں شرکاء تے زائرین واسطے ایک متاثر کن تجربو چاہت ہو۔ مقامی فنکاراں نے اپنا تجربہ ناہم سانجہ کیو تے خوشی گا اظہار کرتا واں اس طرح کہیو۔

WATERSHED YATRA REASI

پانی غا پائیدار انتظام غی جانب ایک اہم قدم چاتا واں مربوط واٹر شیڈ پروگرام غے تحت گورنمنٹ ہائی سکیڈری سکول ٹوٹ ریاسی مانہم واٹر شیڈ یاترہ مہیم ۵۲۰۲ غو انعقاد کیو گیو۔ یا مہیم ریاسی غی ڈی سی ندھی ملک غی نگرانی مانہم منعقد ہوئی۔ اس قدم غو مقصد پانی غا تحفظ ناہم فروغ دینو آبپاشی غی کارکردگی ناہم بہتر بنانو تے پردہان منتری کرشی سنجائی یوجنہ ۲ اشاریہ صفر غا نفاذ مانہم مدد فراہم کرنو تھو۔ تقریب مانہم پودا لان غی مہم تے موثر واٹر شیڈ حکمت عملیاں ور تبادلہ خیال شامل تھو تانجے زرعی ترقی ناہم پائیدار بنایو جاسکے۔

WEATHER

محکمہ موسمیات نے پیش گوئی کی ہے جے پلک تیں ۸۲ فروری توڑی ہلکی تیں درمیانہ درجہ غی بارش تے برف باری ہون غا امکان ہیں اس دوران موسم عام طور ور ابر آلود رہ غو تے جموں کشمیر غا کُجھ مقامات ور شدید بارش تے برف باری ہون غی توقع ہے۔ محکمہ نے ہدایت جاری کرتا واں کہیو ہے جے سڑکاں ور آمدرفت مانہم رُکاوٹ آسکے، خاص طور ور سادھنہ پاس، رازدان پاس، سونامرگ زوجیلا گومری رستہ مغل سڑک تے سنتھن پاس ور۔ سیاحان تے مسافراں ناہم ہدایت دتی گئی ہے جے سفر منصوبہ بندی کرغے طہ کریں۔ اس تیں علاوہ کساناں ناہم وی ہدایت جاری کی گئی ہے جے اس دوران آبپاشی تے دیگر زرعی سرگرمی معطل کردیں۔
